

quàm celi forma. 5. Omnis distinctio fit per aliquem actum, ac materiae cæli & sublunarium, cum sint pure potentia, carent actu tali. Ergo inter se specie non differunt. 6. Quia cælum est corruptibile & mutationibus obnoxium, ut infra ostendetur. Ergo eandem cum inferioribus materiam habet hoc est, eam, quæ est potentia contradictionis ad esse & non esse: & uti ponatur in cælum corruptionem non cadere, non dum tamen evicta materiae diversitas, quum ad generationem & corruptionem non sufficiat nuda materia, sed insuper requiratur agens contrarium aliquod in subiectum corrumpendum: quale agens admittunt, qui cælo corruptionem & generationem denegant.

Cælum ergo & elementa eandem habent materiam generalem, licet non eandem substantiam specialem ob varietatem formarum; omnia enim corpora differunt à se invicem per suos actus & formas: alia enim est natura cæli, alia aeris, alia aquæ &c. Ut cælum non sit aer, vel aqua, vel ignis. Interim cælum ἀνάλωτον est, Aquæ ratione claritatis perspicuitatis: Aeris, ratione tenuitatis: & per viam subtilitatis. Cælum enim cum aere eandem quasi tenuitatem habet; ut liquet ex refractionis unitate: inte-